



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 76. Ratisbona a Suecis recuperata, horum crudelitas in Clericos.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

Sæc. XVII.
A. C. 1633. corum oculis imponerent: Inter ceteras etiam Virgines quædam nec illecebris, nec minis, nec ferro cedens, cum in ea sollicitanda patientiam perderet Lutheranus miles, *moriendum tibi est, inquit, amens filia: illa vero: id in votis habeo,* subjungit Sicarius: *et ut Catholica, vel Lutherana?* mox exclaimantem: *Catholica,* ense in viscera abacto interficit: Postquam vero nec prædæ nec libidini quicquam reliquum esset, Sueci portis qua incensis, quæ contractis, disjectisque propugnaculis ac turribus totam, qua late patet, Regionem cædibus, rapinis, & incendiis fæde devastarunt.

§. LXXVI.

Ratisbona a Suecis recuperata, horum crudelitas in Clericos.

*Le Blanc.
Hist. de Bav.
tom. 4.
Adl. r. l. c.*

Direpta hac urbe Hornius Neoburgum a Bavaris derelictum movit, promotisque inde castris Aichstadium urbem, arcemque deditione cepit, totamque hanc Provinciam gravissimis exactionibus, ac rapinis in vastam prope solitudinem redegit. Sub idem tempus Bernardus Vinariensis capto tubæcine, qui ab Aldringero suppetias petiturus mittebatur, Ingolstadium interceptum incassum moliebatur: quocirca

Sæc. XVII.
A. C. 1633.

spe autem delusus, cum suis copiis secundum Danubium profectus est, capto Kelheimio Ratisbonam expugnaturus: Hanc strenue quidem propugnauerat Joannes Troibrezius Gubernator, a Maximiliano Electore ante Fridlandici auxilii adventum nequidem de dedenda urbe cogitare jussus: cum vero ob Fridlandi perfidiam nulla suppetiarum spes esset, aliunde vero cives secta Lutherani Suecis fauerent, Vinariensis vulnerato etiam Gubernatore, urbem post novem dierum expugnationem die decima quarta Novembris, sub honestis cepit conditionibus, quæ tamen a Suecis insuperhabitæ sunt; tertio enim post die omnis Clerus ad aulam Episcopi, qui & ipse præsens aderat, evocatus, mox ducenta Thalerorum millia numerare, & insuper de aliis centum millibus cavere jussus est; & quamvis, omni auro argentove ex Templis undique corraso, quinquies mille Thaleri altera die fuerint soluti, nihilominus die vigesima octava ejusdem Mensis omnes Religiosi ex suis monasteriis ejeçti, in Monasterium PP. Prædicatorum detrudebantur, ibidem dure admodum & arcte custoditi. Altera die eis denuntiatur, ut cum reliquis Clericis (exceptis duntaxat singularum Ordinum Superioribus) urbe

Hist. Eccles. Tom. LIX.

Ss

ex-

Sæc. XVII. excederent, prius tamen ad majus le
 A. C. 1633. dibrium alea ludere jussi, quisnam eo-
 rum in carcere detinendus esset, donec
 reliqui residuum lytrum repræsentab-
 sent? cum vero omnia Catholicorum
 æraria essent exhausta, nec Sacrum
 peculium suppeteret, duo Religiosi in-
 ter acerbos Lutheranorum cachinos
 opprobria ostiatim per urbem reliquum
 lytri conquirere compulsi sunt: post-
 quam vero Sueci cunctas miserorum
 opes devoraverant, omnes Clericos
 qui adhuc in urbe supererant, in ca-
 llium protruserunt, adjunctis satellitibus,
 qui eos ultimis etiam vitæ sustentan-
 tandæ reliquiis spoliarunt. Postea
 modo agrum Ratisbonæ vicinum factis
 depopulati sunt, sed etiam Chambrun-
 & Deckendorffium deditione, Stra-
 bingam vero oppugnationis vi sibi ab-
 jecerant, atque ingenti pecuniarum
 summa civibus imposta, præsidiarum
 omnino inermes abire permiserunt,
 quos tamen post breve iter in cultu-
 diam retraxerunt. Demum exhaustis
 penitus Bavaria inferiore Vinarie-
 Dux Passavium descendere parabat
 ut Austriæ superioris Protestantibus
 qui vel in Aula comparere, vel bonis
 suis intra semestre divenditis emigrare
 jubebantur, opem ferre posset; jam
 enim ineunte hoc anno hi Protestantes
 quæ-

*Ex Archiv.
 Abb. S. Cru-
 cis Aug.
 pag. 149.*

quosdam Augustam ad Oxenstirnum Sæc. XVII. A.C. 1633.
 ablegabant, ab eo efflagitantes, ut
 quosdam Tribunos, ac Centuriones
 submitteret, qui eorum cohortes con-
 tra Cæsarem conscriptas ducerent, post-
 quam vero Holakius Cæsaris nomine
 in Silesia plurimas urbes, necnon in
 Saxonia Lipsiam occupaverat, ac Fer-
 dinandus Hispaniæ Regis Frater in Au-
 striacorum opem cum valido exercitu
 accurrere dicebatur, Vinariensis a suo
 proposito, mira Dei providentia ab-
 sterritus est.

§. LXXVII.

*Clerus Augustanus a Suecis dire
vexatus.*

Quam iniqua hoc anno Clerus Augu-
 stanus a Suecis tolerare compul-
 sus fuerit, calamo vix assequi possu-
 mus; præterquam enim, quod Sueci
 eorum prædia, pagosque, ex quibus
 annuos habuerunt proventus, direptos
 incenderint, incolasque pessime habi-
 tos expulerint, insuper novas identi-
 dem, ac facultatibus longe superiores
 exactiones ab eis exegerunt, & Cleri-
 corum domos, necnon Regularium
 monasteria impositis pluribus militum
 centuriis devastarunt; præcipue vero
 die sexta Januarii, Christophori ab Aw
 sum-

*Hierarch.
Aug. P.
Kham cap.6.
sect 10.
pag. 424.
Ex Archiv.
Abb. ad S.
Cruce
pag. 144.
Stengelius
comm. ver.
Aug. p. 2.
cap. 73.*